

Mekana ε Pól, yii pε dáa

Filemɔŋ

Filemɔŋ

Mεkεn

Filemɔ nabεε mɔɔ sɔ ε Pól mot lwoma. Pól ε nagoola nyε Mbεε Bhaadal, tin, nyε é boodi myalel keletyε. Filemɔ nabεε mot ekum, nyε nabaadiε nε ekwom bot. Onezin nabεε ngɔt tɔ ekwom ε Filemɔ. Tin, nyε naakaab kukuma yε, wɔ gwaa nyε keboma nε Pól pε nyε nadi tɔ mbok ε. E di'enek, Onezin tak nabεε nyε moo yε myalel keletyε. Deenek, Pól naazεswal Onezin pε daa kukuma yε Filemɔ nε εtom ε mεkana. Filemɔ aakoomyaal Onezin pε yε tin dáa? Mεkana mε Pól nakyeed pε daa Filemɔ ε nabaadiε yii bot ε zεεga mendjaala ee bε nadi esεεga tɔ ndjan'ε (εlanɛl ebá). Mεkana mε tak lii ε tɛp di gwyák bot ε zεεga mendjaala djas. Eghεŋ yenek, ekum e kyee dik djas eLɔm nadi edjεed ε nadyeebadus ε tɔ mεsa mε ekwom bot. Tin, metan mε ekwom e bot nazobaadi ε djala nε metan mε bε nakuma dεl. Ekwom tak nadi esesa ε membi mε mεsa djas, bε nabaadiε «ghughumaa» si mεko mε ekukuma bɔɔ. Ekaab ε kwom ngɔt goka ε, nyε tiigaa elyεlɛpe, yε é nε ghwyil kum nyε εsyee. Tɔ mεkana mε nyε nakwyal ε, Pól nawaab nε Filemɔ ε náá nyε myaal Onezin nε mbεε lyem dáa mɔn nyεεg keletyε. Etεε náá, kwom mot nε nakuma dεl, bɔɔ djas ε bɔn nyεεg tɔ εdum ε koŋ nε Yezu Klisto. Tin, Pól nabεε ààdjε elee nε Filemɔ, nyε nakwyεl ε náá

Filemɔ sa dɔ́a nyɛ di kwos ɛ. Ekeletyɛ mɛkɛn, e yɔbɔ ghɛŋ, bɛ nabɛɛ ɔ̀ɔ̀bɛ nɛ ghwyil ɛswola embee esesɛɛ zeetawa tɔ bhwak ɛ. Tin, ɛdum ɛ koŋ nɛ Yezu Klisto ɛ di swola mbee tsik tɔ ɛtɛp e bhwak. Mɛlyo mɛ kwyl ɛ nɛ ghwyil ɛ swola tsik mot tɔ sɔ, baaswola dɔɔ nɛ tsik mɛdhuu mɛ bot.

Mɛswosel

¹ Ye ɛ mam Pɔl, mot membok kɔ esu ɛ mesa mɛ mɛ di esa ɛtɛp ɛ Yezu Klisto ɛ. Bis nɛ Timote mɔɔ nyaag'am ɛ kwyl mɛkana mak. Bis kwyl mɛkana mak ɛ ɛtɛp'ɔ wɔy Filemɔ, mɔn nyɛɛg'es bis dibaakwyl ɛbuepe tɔ mesa mɛ Zɛɛb ɔ.

² Bis kwyl ɛ bot ɛ zɛɛga mendjaala mɛ di esael tɔ ndjaŋ'ɔ yenek, zɛnɔɔ kɛl'ena Apiya bɛ nɛ mɔn nyɛɛg'ena Alsipe mot bis nɛ bɛ nɔɔ di eduu tuub wat ɔ:

³ Beta náá: bi bela mbɛɛ bhwoob nɛ egwyem e mis mɛ Zɛɛb sɛɛg'ena nɛ Yawe, Yezu Klisto.

Kwyl nɛ ɛdum ɛ koŋ nɛ Zɛɛb ɛ Filemɔ

⁴ E sok djas mɛ di edjaala Zɛɛb ɛ, wɔy Filemɔ, mɛ nɛ djaala ɛtɛp'ɔ, bhii tak mɛ epegɛapɛɛ Zɛɛb kɔ esu ɛ lɔ,

⁵ ɛtɛɛ náá, mɛ epegwak menduk mɛ ɛdum ɛ koŋ ɛ lɔ nɛ kwyl Yezu Klisto nɛ dɔ́a wɔ di nɛ lyem kwyl nɛ bot ɛ zeliig elyem ɛtɛp ɛdu Ghɛŋ.

⁶ Mɛ waab nɛ Zɛɛb ɛ náá, ɛdum ɛ koŋ nɛ Zɛɛb di ewa ɛgwakel pak'ena ɛ nyen tɔ tsik'ena. Sa náá, enɛm ee sa djas bis di esa kɔ esu ɛ Klisto ɛ baanyen.

⁷ Mɔn nyɛɛg, mɛkwyla eedje mɛ mɛmyaala nɛ mɛghaaz ɛbuepe ɛtɛɛ náá, wóó diaa dje ghwyil nɛ kwyl bot ɛ di myaal mɛkpa ɛ Zɛɛb ɔ elyɛɛpe.

Gwyes Pɔl naadi nɛ yɛ ɛ dum ɛ Oneezim ɛ

⁸ Ye nakoozodi náá, me é ne ghwyil dum ne Klisto náá, me lwom wɔ, wɔ sa sa wɔ di egoka ne esa ε.

⁹ Tin, kɔ esu ε mekwyela me mena di ne ye ε, me kwyel ε ewaab ze ne nɔ. Mam Pɔl, tɔa-mot, baazebela náá, me é kɔla é membok kɔ esu ε din ε Yezu Klisto,

¹⁰ me eemet wɔ ebon kɔ esu ε Onezim mot di mɔn'am kɔ esu ε edum ε kon tɔ ndjaa membok wak ɔ.

¹¹ E gheŋ sok, nyε nabe ε ààbe vanj mot é mis mɔ. Deenek, é dwoo pan mos'ak nyε moo é ne boo metanj dum ne ekwyee ε nyε di ekwyee wɔy ne mam tɔ meša ε.

¹² Nenak yak, me epeswaal wɔ nwyak, wɔ goka é, wɔ bee nyε dáa dhiiti kyee nyel'am wat.

¹³ Me nakwyel ε náá, nyε lik wak é ngwoob'am éteɸ nyε neekwyekwyee me é di yɔ pe pak me di tɔ membok kɔ esu ε mbeε bhaadal'ak.

¹⁴ Tin, me nabe ààkwyel esa dhiiti sonok ààpookodji wɔ. Me nadi é kaab ε, ye é zekedi tyee náá, enem ee esa wɔ aasa ne nam ε di tyee bhel. Eteε náá, mot goka é ne esa enem ee esa ne lyem emet.

¹⁵ Ye é ne ghwyil edi náá, Oneezim nadus wɔ e membo ε éteɸ ba ewala batsa eteε náá, nyε ka bula ɔ, nyε ka bula ε, bula wat na kɔm-kɔm.

¹⁶ Eteε náá, kana dwoo pan mos'ak, nàka baabee nyε dáa kwomɔ. Bea nyε ne metanj dhaa kwom: Eteε náá, nyε moo é mɔn nyεeg'ena mot mena di kwyel ebuεpe ɔ. Nyε é ne boo metanj e mis mam ne e mis mɔ. Tin, ye goka é náá nyε di ne boo metanj e mis mɔ dhaa dhanja yam, tɔ mefulu me, ne dáa nyε di kebe ne Gheŋ ε.

¹⁷ Ye é bε náá, wɔ é pe duwal mε dáa mɔɔ sɔɔ, nɔŋa nyε dáa wɔ di zyε nε bee mε ε.

¹⁸ Ye é bε náá, nyε naasa wɔ εbiyo ɔ, nεghu ye kabε náá, nyε naakola wɔ dhiiti sonok ɔ, kɛla tɛp tak kɔ lo'am. Mε waatuud wɔ yε mam εmet.

¹⁹ Mε kwyal mɛkana mak ε nε mbɔ'am met. E tɛp tak ε mε di elɛɛ náá: mam Pɔl, mε waatuud wɔ esa ee nyε nakola pε daa lɔ ε. Wɔ àadjak náá, boo keede wɔ di nε yε nam mos ε ye é tsik wɔ di nε yε yenek.

²⁰ Yε deenek mɔn nyεεg, mε eekwyit wɔ mɛbɔŋ si, saaa sa, mε waab nε nɔɔ, kɔ εsu é mɛkwyɛla mε mena di nε yε nε din ε Ghɛŋ ε. Mε kwyɛl é wɔ sa náá lyem'am di tɔ ghwyil nε mεghaaz nε din ε Klisto.

²¹ Lyem'am nε εmyaal nε εgwak ε lɔ, etɛɛ náá, é di mε di ekwyal mɛkana mak, é ghɛŋ wɔ waalaa mɛkana mak ɔ, waazosa ε dáa mε ke ε. Mε nε gu náá, wɔ aasa dhaa-dhanjak yee mε ke náá wɔ sa ε.

²² E di'enek wat, koobela mε dhɛŋ etɛɛ náá, εbwaalel ε lam náá, kɔ εsu é mendjaala mε bi di djaala étɛp'am ε, mε waabulelaa e mbɔ men.

Mεswosel mε mεsik

²³ Epafalas, mot bis nε nε di e membok étɛp din ε Yezu Klisto ɔ ee baaswos wɔ,

²⁴ Zɛnɔɔ Malak, Aalistaalak, Dhemas nε Luk, bot ε bis nε bε nɔɔ di sa mɛsa e di wat ɔ.

²⁵ Betka náá, Zɛɛb tel bin enɛm nε embɛɛ ee Ghɛŋ'ena Yezu Klisto di kɔ len.

Bekwel

Bekwel: Bekwel (New Testament)

copyright © 2024 Wycliffe Bible Translators, Inc.

Language: Bekwel

Contributor: Wycliffe USA

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 26 Apr 2025 from source files dated 26 Apr 2025

93bbbee1-b255-555f-8c39-01878a3cad57